

DRUŠTVENO KORISNO UČENJE

Ministarstvo za obrazovanje, nauku i mlade KS je od školske 2018/2019. godine u svim gimnazijama pokrenulo projekt pod nazivom "Društveno korisno učenje". Društveno korisno učenje (eng. service learning) predstavlja snažan oblik pedagogije koji učeniku pruža mogućnost za povezivanje iskustava kroz pružanje usluga u zajednici sa intelektualnim kontekstom njegovog obrazovanja.

Naša škola već drugu godinu učestvuje u ovom projektu. Profesorica Kazazović Zarifa kao koordinator projekta i profesorice Džananović Meliha i Krsmanović Ina kao supervizori, na početku ove školske godine odlučile su raditi na razvijanju, odnosno podizanju ekološke svijesti kod učenika kroz organiziranje konkretnih radova na terenu, promovirajući na taj način volonterski rad i aktivizam kojima se doprinosi razvoju lokalne zajednice. Naime, u saradnji sa JU "Studentski centar" Sarajevo, osamdeset učenika I razreda Pete gimnazije učestvovalo je u dvodnevnoj akciji (14. i 15. oktobar) uređenja okoliša i zelenih površina.

Brojni mediji, odnosno portali, objavili su vijest o učešću tri profesorice i osamdeset učenika Pete gimnazije u ovom uspješno realiziranom projektu.








Zajednički sastanak učenika i profesora Pete gimnazije sa gospođom Ingrid Kadrić i gospodinom Alanom Kadrićem koji su našim učenicima dali upute za rad




Profesorica Džananović Meliha, gospodin Curić Tarikom – direktor JU "Studentski centar" Sarajevo i profesorica Krsmanović Ina





Ovaj projekt je realiziran u saradnji sa JU "Studentski centar" Sarajevo, sa Ingrid Kadrić – šeficom tehničke službe, Alanom Kadrićem – šefom objekta "A" i Tarikom Curićem, direktorom JU "Studentski centar" Sarajevo, na uređenju okoliša i zelenih površina Javne ustanove "Studentski centar" Sarajevo, zgrade Direkcije za koordinaciju policijskih tijela Bosne i Hercegovine, Studentskog doma Nedžarići i Studentskog naselja Bjelave.





Poslije napornog rada, za učesnike projekta, odnosno vrijedne volontere, organiziran je ručak i zajedničko druženje.

